

降世擢薦賢良公緣有會於君臨從待匡扶於肘腋數年毗佐
通申不受於私情累載霑恩奉法無虧於公格郡侯歎羨轉次崇
階職任中筵位齊賓幕而又翹情向主傾心共治而分憂嚴誠
自身信義乃留於終始遂曾東西討伐南北奔馳陪元戎復靜
於河隍事旌幢剪除於兇醜交鋒烈陣唯勵磨鱗願陳百戰之功
不顧一生之命陶鎔親見數賜優勞累受榮遷已登班首將俟
久居人世永助觀風繼紹轅門紀綱軍國奈何穹蒼不祐禍崇竈
遭壽限已終難留迅速辭親別弟瘍疼手足之分離委付女男恨
歎泉臺之永隔乞忝同衙佐每受知憐握管潛悲而爲頌曰
天資盛貞神授英奇南陽上族胤派西陲三端膺世
六藝生知門攔繼寵姻鉉台畿清貞鑒物恭愼無虧
形端表直譽播推時譙王出現公會同期毗輔肘腋
近事君威通由有道無順邪非功勞歲潛展効年餘